

## **PROGRAM**

### **UTROŠKA SREDSTAVA S KRITERIJIMA RASPODJELE „SUBVENCIJE PRIVATNIM PREDUZEĆIMA I PREDUZETNICIMA - POTICAJ ZA VETERINARSTVO“ UTVRĐENIH BUDŽETOM FEDERACIJE BOSNE I HERCEGOVINE ZA 2021. GODINU FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA**

#### **UVOD**

Programom utroška sredstava "Subvencije privatnim preduzećima i preduzetnicima - Poticaj za veterinarstvo" za 2021. godinu obuhvaćeno je finansiranje provođenja mjera sprječavanja širenja i iskorjenjivanja zaraznih bolesti koje su zakonska obveza, shodno visini odobrenih sredstava u Budžetu Federacije BiH za 2021. godinu.

Tokom 2021. godine u Federaciji BiH nastaviti će se dijagnostičko ispitivanje na tuberkuluzu, brucelozu i enzootsku leukozu goveda, kako bi se osigurali minimalni uslovi za plasman naših proizvoda na strano tržište.

U 2021. godini nastaviti će se realizacija Programa za suzbijanje i kontrolu bruceloze kod ovaca i koza u Federaciji BiH.

Rezultati dijagnostičkog ispitivanja na zarazne bolesti su pokazatelj epizootiološke situacije u Federaciji BiH i omogućavaju blagovremeno poduzimanje mjera na suzbijanju, sprječavanju širenja i iskorjenjivanju zaraznih bolesti.

Proizvodnja sigurnog proizvoda i dalje je osnovni cilj kada je u pitanju realizacija ovog Programa, sa tim razlogom provodi se službeno uzorkovanje namirnica životinjskog porijekla kako bi se utvrdile smjernice za daljnje preventivno djelovanje.

#### **USLOVI ZA KORIŠTENJE SREDSTAVA PROGRAMA**

U svrhu ispunjenja uslova za izvoz mlijeka na tržište EU kao i tržište susjednih zemalja, neophodno je provesti dijagnostičko ispitivanje mlječnih goveda na brucelozu, tuberkuluzu i enzootsku leukozu.

Tokom 2021. godine iz ovog Programa finansirati će se dijagnostičko ispitivanje na brucelozu, tuberkuluzu i enzootsku leukozu svih ženskih goveda i njihovog ženskog pomlatka namijenjenog za daljnji uzgoj. Na tuberkuluzu će se ispitati sva ženska grla starija od šest (6) tijedana, na brucelozu starija od 12 mjeseci, a na enzootsku leukozu starija od 24 mjeseca pod uslovom da razdoblje od prethodnog ispitivanja na sve tri bolesti nije kraći od šest (6) mjeseci.

Vakcinacija ovaca i koza protiv bruceloze provodit će se i ove godine na cijelom području Federacije BiH. Sredstva za realizaciju vakcinacije malih preživara protiv bruceloze u 2021. godini osigurao je Ured za veterinarstvo BiH. Sve detalje o načinu provođenja i uslovima za njenu realizaciju propisat će Ured za veterinarstvo BiH putem posebnog uputstva.

Dijagnostičko ispitivanje službenih uzoraka na prisutnost salmonele kod žive peradi provest će se na odobrenim ili registriranim farmama, s ciljem provjere njihovih programa samokontrole, a prema posebnom Planu kojeg će donijeti Federalno ministarstvo poljoprivrede, vodoprivrede i šumarstva.

Programom je predviđeno finansiranje ispitivanja krvi životinja u slučaju pobačaja na brucelozu, Q-groznici i leptospirozu.

Programom je predviđeno finansiranje ispitivanja krvi životinja na infektivnu anemiju kopitara.

Službeno uzorkovanje namirnica životinjskog porijekla provest će se u skladu sa posebnim Planom kojeg će donijeti Federalno ministarstvo poljoprivrede, vodoprivrede i šumarstva.

Iz Programa će se finansirati ispitivanje divljih životinja i životinja na imanjima, u slučaju pojave bolesti zoonotičnog karaktera, bolesti plavog jezika i drugih bolesti koje se sporadično javljaju, a čija pojava može značajno uticati na zdravlje životinja ili imati značajne ekonomske posljedice.

U skladu sa članom 8. Pravilnika o postupku isplate naknade štete za neškodljivo uklonjene seropozitivne životinje („Službene novine Federacije BiH“, br. 98/12 i 88/18), iz Programa će se i u 2021. godini nastaviti finansirati nadoknada vlasnicima uginulih i neškodljivo uklonjenih životinja u iznosu od 50% procijenjene vrijednosti životinje.

Iz Programa je predviđeno finansiranje seminara, savjetovanja i radionica u skladu sa Programom obuke službenih veterinara u Federaciji BiH za period 2021. – 2025. godine, te sufinansiranje seminara, savjetovanja i radionica za čije realiziranje se dokaže značaj za suzbijanje bolesti od interesa za Federaciju BiH.

Iz Programa će se finansirati nabavka dijagnostikuma za laboratorijske pretrage životinja sumnjivih na zarazne bolesti koje nisu prisutne na području Federacije BiH, ali se zbog pogoršanja epizootiološke situacije u regiji mogu pojaviti.

U slučaju postavljanja sumnje na američku gnjiloču pčelinjeg legla (AGPL), veterinar koji provodi kliničku pretragu će obvezno uzeti uzorak i dostaviti ga na pretragu koja će se finansirati iz sredstava Programa.

Sredstva u iznosu od 2.500.000,00 KM raspoređuju se za minimalni obujam veterinarskih aktivnosti kako se vidi iz sljedećeg tabelarnog pregleda:

Red. Broj	NAZIV PROGRA MA	SVRHA PROGRAMA	KRITERIJ ZA RASPODJELU	IZNOS u KM	IZVORI SREDSTAV A	ORGANIZACIJA KOJA PRIMA TRANSFER
1.	OTKRIVANJE, SUZBIJANJE I ISKORIJENJIVANJE ZARAZNIH BOLESTI ŽIVOTINJA	<p><b>A)</b> Ispitivanje zaraznih bolesti bruceloze, tuberkuloze, enzootske leukoze goveda, plavog jezika i salmoneloze. Ispitivanje uzoraka krv životinja koje su pocabile i kopitara na infektivnu anemiju konja. Ispitivanje službenih uzoraka na prisutnost salmonele kod žive peradi u odobrenim ili registriranim farmama. Ispitivanje u slučaju pojave bolesti zoonotičnog karaktera i drugih bolesti koje se sporadično javljaju, a čija pojava može značajno uticati na zdravlje životinja ili imati značajne ekonomske posljedice. Ispitivanje na američku gnjiloču pčelinjeg legla (AGPL). Nadoknada štete za uginule, ubijene i neškodljivo uklonjene životinje Provodenje mjera DDD-a na zaraženim imanjima i transportnim sredstvima</p> <p><b>B)</b> Educiranje vlasnika životinja i dodatno obrazovanje doktora veterinarske medicine putem savjetovanja i seminara.</p> <p><b>C)</b> Praćenje zdravstvene ispravnosti hrane životinskog porijekla u odobrenim i registriranim objektima</p> <p><b>D)</b> Osiguranje dijagnostikuma za konfirmacijske testove</p>	<ul style="list-style-type: none"> <li>- Broj uzetih uzoraka i broj ispitanih uzoraka.</li> <li>- Za veterinarske stanice cijena uzimanja uzoraka krv 5,00 KM, tuberkulinizacija 15,00 KM po životinji,</li> <li>- Za veterinarske ustanove cijena pretrage za brucelozu Roze Bengal test 5,50 KM i RVK test 17 KM, Q-groznici 6,00 KM, enzootsku leukozu goveda 7,50 KM salmonelu 30,00 KM, bolest plavog jezika 15,00 KM, uzorke krv životinja koje su pocabile 50,00 KM, infektivna anemija kpitara 30,00 KM, AGPL 10,00 KM.</li> <li>Broj neškodljivo uklonjenih životinja po tržišnoj cijeni na dan uklanjanja</li> <li>Računi za provedene postupke DDD-a.</li> <li>U cijene je uračunat PDV.</li> </ul> <ul style="list-style-type: none"> <li>- Održana savjetovanja i seminari, odobreni zahtjevi za sufinsaniranje, štampanje brošura i drugog edukativnog materijala</li> </ul> <ul style="list-style-type: none"> <li>- Broj ispitanih službenih uzoraka na temelju Plana službenog uzorkovanja</li> </ul> <ul style="list-style-type: none"> <li>- Računi o nabavljenim dijagnostikumima.</li> </ul>	<b>2.403.000,00</b>  <b>30.000,00</b>  <b>60.000,00</b>  <b>7.000,00</b>	<b>PRORAČUN FEDERACIJE BIH</b>	<p>Veterinarske stanice, i ustanove koje prema članu 79. Zakona o veterinarstvu („Službene novine Federacije BiH“, broj 46/00) provode veterinarsku djelatnost, fizičke i pravne osobe – vlasnici neškodljivo uklonjenih životinja</p> <p>Odabrani ponuđač u postupku javne nabavke za organizaciju seminara i savjetovanja i organizacije kojima se odobri sufinsaniranje</p> <p>Veterinarske ustanove koje prema članu 79. Zakona o veterinarstvu („Službene novine Federacije BiH“, broj 46/00) provode veterinarsku djelatnost.</p> <p>Veterinarski fakultet Sarajevo koji prema članu 150. Zakona o veterinarstvu („Službene novine Federacije BiH“, broj 46/00) obavlja poslove Instituta za veterinarstvo Federacije BiH.</p>

UKUPNO : 2.500.000,00 KM

# **OBRAZLOŽENJE**

## **PROGRAMA UTROŠKA SREDSTAVA S KRITERIJIMA RASPODJELE SREDSTAVA “SUBVENCIJE PRIVATNIM PREDUZEĆIMA I PREDUZETNICIMA - POTICAJ ZA VETERINARSTVO” UTVRĐENOG BUDŽETOM FEDERACIJE BOSNE I HERCEGOVINE ZA 2021. GODINU FEDERALNOM MINISTARSTVU POLJOPRIVREDE, VODOPRIVREDE I ŠUMARSTVA**

### **UVOD**

Program utroška sredstava “Subvencije privatnim preduzećima i preduzetnicima - Poticaj za veterinarstvo” za 2021. godinu obuhvaća sredstva predviđena za otkrivanje, suzbijanje i iskorjenjivanje zaraznih bolesti životinja, kao i sredstva namijenjena za kontrolu zdravstvene ispravnosti namirnica animalnog podrijetla. Dio aktivnosti na otkrivanju, suzbijanju i iskorjenjivanju zaraznih bolesti životinja bit će finansiran od strane Ureda za veterinarstvo BiH.

### **I - PRAVNI OSNOV**

Pravni osnov za donošenje Odluke o usvajanju Programa utroška sredstava s kriterijima raspodjele sredstava “Subvencije privatnim preduzećima i preduzetnicima - Poticaj za veterinarstvo” utvrđenog Budžetom Federacije Bosne i Hercegovine za 2021. godinu Federalnom ministarstvu poljoprivrede, vodoprivrede i šumarstva sadržan je u odredbama čl. 29. i 37. Zakona o izvršavanju Budžeta Federacije Bosne i Hercegovine za 2021. godinu (“Službene novine Federacije BiH”, broj 4/21) kojim je propisano da će se sredstva utvrđena na razdjelu 24. Budžeta, pozicija “Subvencije privatnim preduzećima i preduzetnicima - Poticaj za veterinarstvo” koristiti prema programima koje usvaja Vlada Federacije BiH. Korisnici budžetskih sredstava su obavezni predložiti Vladi Federacije BiH programe utroška sredstava s bitnim elementima programa. Sredstva se ne mogu koristiti prije nego što Vlada Federacije BiH odobri programe.

### **II - RAZLOZI ZA DONOŠENJE**

Zakonom o veterinarstvu u Bosni i Hercegovini (“Službeni glasnik BiH”, broj 34/02), Zakonom o veterinarstvu (“Službene novine Federacije BiH”, broj 46/00) i Programom mjera zdravstvene zaštite zdravlja životinja i njihovog provođenja u 2021. godini propisana je aktivnost i obveza nadležnih organa u sprečavanju i suzbijanju zaraznih i parazitarnih bolesti životinja, a posebno zoonoza.

***Otkrivanje, suzbijanje i iskorjenjivanje zaraznih bolesti*** – Zakonom o veterinarstvu je predviđeno provođenje mjera sprječavanja širenja i iskorjenjivanja zaraznih bolesti od posebnog interesa za Federaciju, za što se dio sredstava osigurava iz Budžeta Federacije BiH. Praćenje i suzbijanje pojave zaraznih bolesti životinja omogućuje smanjenje broja oboljelih životinja i iskorjenjivanje bolesti, što je bitno za razvoj stočarstva, ali i zdravlje ljudi s obzirom na bolesti zoonotičnog karaktera. Veterinarskim stanicama precizno su

definisana područja na kojima moraju provesti: obilježavanje životinja, sve propisane mjere za pojedinu životinjsku vrstu, te o istom izdati propisanu dokumentaciju. Ovim se daje garancija da su sve životinje propisno obilježene te da je ažurirano brojno stanje životinja u jedinstvenoj bazi podataka i da su obuhvaćene propisanim ispitivanjima, što je osnovni uslov za nastavak izvoza proizvoda životinjskog porijekla na tržište EU.

**Naknada štete** - Zakonom o veterinarstvu u Bosni i Hercegovini i Zakonom o veterinarstvu je propisano da nadležni organi moraju osigurati imaoču životinje naknadu za životinje koje su ubijene ili zaklane, prilikom realiziranja određenih mjera za suzbijanje zaraznih bolesti, u čemu Federacija sudjeluje sa 50% od ukupne vrijednosti uništene životinje ili predmeta.

**Edukacija doktora veterinarske medicine i vlasnika životinja** – Zakonom o veterinarstvu u Bosni i Hercegovini i Zakonom o zaštiti i dobrobiti životinja je propisana obveza osposobljavanja veterinarskih djelatnika i vlasnika životinja u oblasti zaštite zdravlja i dobrobiti životinja i javnog zdravlja.

**Službeno uzorkovanje** – Praćenje zdravstvene ispravnosti namirnica životinjskog porijekla u odobrenim i registrovanim objektima stvara uslove za proizvodnju zdravstveno ispravnog proizvoda životinjskog podrijetla.

**Uskladivanje Odluke sa rješenjem Konkurencijskog vijeća BiH** - Postupajući po rješenju Konkurencijskog vijeća Bosne i Hercegovine Federalno ministarstvo poljoprivrede, vodoprivrede i šumarstva uskladilo je dostavljenu Odluku o usvajanju Programa utroška sredstava s kriterijima raspodjele sredstava "Subvencije privatnim preduzećima i preduzetnicima - Poticaj za veterinarstvo" utvrđenog Budžetom Federacije Bosne i Hercegovine za 2021. godinu na način da je u tekstu programa POGLAVLJE – USLOVI ZA KORIŠTENJE SREDSTAVA PROGRAMA u tabelarnom pregledu rasporeda sredstava za minimalni obim veterinarskih aktivnosti u 2021. godini u koloni ORGANIZACIJA KOJA PRIMA TRANSFER umjesto dosadašnjih termina „Veterinarske stanice, ovlaštene veterinarske laboratorije javnih ustanova“ koristiti termin: „Veterinarske organizacije i ustanove koje prema članu 79. Zakona o veterinarstvu („Službene novine Federacije BiH“, broj 46/00) provode veterinarsku djelatnost.“

Član 79. Zakona o veterinarstvu („Službene novine Federacije BiH“, broj 46/00), nalazi se u poglavljju V. – ORGANIZIRANJE I PROVOĐENJE VETERINARSKE DJELATNOSTI, ODJELJAK 1. Osnivanje i organiziranje veterinarskih organizacija, veterinarskih ustanova, veterinarske službe i samostalne veterinarske prakse, a koji precizno definiše ko i kako obavlja poslove veterinarske djelatnosti, čime su ispunjeni uvjeti iz prethodno navedenog rješenja Konkurencijskog vijeća.

*Vlada Federacije Bosne i Hercegovine i Federalno ministarstvo poljoprivrede, vodoprivrede i šumarstva pokrenuli su tužbom upravni spor pred*

*Sudom Bosne i Hercegovine protiv rješenja Konkurenčijskog vijeća Bosne i Hercegovine broj: UP-03-26-3-038-71/19 od 13.01.2021. godine.*

### **III - FINANSIJSKA SREDSTVA**

Za realizaciju ove Odluke izdvojeno je ukupno 2.500.000,00 KM sredstava na razdjelu 24., pozicija "Subvencije privatnim preduzećima i preduzetnicima - Poticaj za veterinarstvo" koja su predviđena Zakonom o izvršavanju Budžeta Federacije Bosne i Hercegovine za 2021. godinu ("Službene novine Federacije BiH", broj 99/19).